

العهد القديم (6) سفر الخروج - الجزء الأول

محمد شاهين التابع

بسم الله الرحمن الرحيم. السلام عليكم ورحمة الله وبركاته اهلا بكم في فيديو جديد من سلسلة مدخل الى دراسة الكتاب المقدس.
وما زلنا بنتكلم عن اسفار موسى الخمسة. والنهاردة هنتكلم عن سفر الخروج - 00:00:00

قبل ما نتكلم عن سفر الخروج حبيت اشير الى ان في فيديو قديم عن سفر الخروج كنت سجلته قبل كده وكان المفروض اكمله لكن اثرت ان انا ابدأ تسجيل فيديو من اول وجدید لكن انا سجلته علشان ما يكونش مجهد ضايع واحظ الرابط اسفل الفيديو فاتمنى ان انتم تتفرجوا - 00:00:28

هذه هذا الفيديو القديم هيكون مفيد في نفس موضوع سفر الخروج. والمفروض ان كان ترتيبه بعد الحلقة التي فيها نقاط نقدية عامة عن اسفار موسى الخمسة اثناء التحضير لحلقة سفر الخروج وسفر التكوين واسفار موسى الخامسة - 00:00:48
اہ طبعا اسرت ان انا اقرأ الاسفار مرة اخرى علشان اہ الافكار تبقى طازجة في دماغي وفريش يعني دورت على نسخة كتاب مقدس علشان اقرا منها نص اصغر موسى الخمسة - 00:01:08

قلت اخذ الترجمة العربية المشتركة قلت طيب خلينا في ترجمة افضل. آآن نص الترجمة اليهودية. النسخة دي مكتوب عليها الكتاب المقدس العهد القديم لزمننا الحاضر طبعا هو نصها نص الترجمة اليهودية ترجمة نقدية دراسية وفيها هوامش ومداخل وكل حاجة - 00:01:23

اللي انا كنت فاكره ان هذه الترجمة نص كامل لاسفار العهد القديم لكن الموضوع ما طلعش كده الحقيقة لما تصفحت هذا الكتاب وجدت اني مكتوب في المقدمة وهعرض لكم الصفحة على الشاشة مكتوب - 00:01:45

ان الهدف الاول من نشر هذا الكتاب الجديد هو ان يكون العهد القديم في متناول جميع المؤمنين فلن تجد فيه ايها القارئ بعض النصوص التي لا يعرفها عادة الا اهل الاختصاص. والتي قليلا ما يستشهد بها كاسر - 00:02:05

صفحات سفر الاخبار وسفر العدد وغيرها من الصفحات. ولكنك تجد فيه كل ما اشتهر من النصوص علق بالاذهان وتداوله الناس على مر الايام وفيه الكثير من الشرح لكلمة الله التي تساعدك على تغذية روحك وقلبك عن - 00:02:25

من معانيها السامية طبعا انا ما كنتش فاهم الاول يعني ايه لن تجد فيه ايها القارئ الكريم بعض النصوص التي لا يعرفها عادة الا اهل الاختصاص لكن فيما بعد عرفت ان هذه النسخة تحذف الكثير جدا جدا من النصوص - 00:02:45

اللي هي من باب ما لهاش لازمة من باب تكرار كثيرة ما لوش فايدة من باب نصوص ليست لها قيمة بالنسبة للمؤمن الذي سيقرأ الكتاب فوجدت في سفر الخروج ان في اصلاحات كثيرة جدا جدا متتشالة. او مش مأخذون منها غير نصين ثلاثة - 00:03:08

ووجدت ايضا ان ترتيب الاسفار في الفهرس مختلف ووجدت ان ترتيب الاصحاحات في الصفر نفسه مختلف يعني النسخة دي فيها ايه محنوف منها نصوص ترتيب الاصحاحات في الصفر مختلف ترتيب الاسفار في الفهرس في الكتاب نفسه مختلف - 00:03:30

ده ان دل فانه يدل على ان التحرير ما زال مستمرا طبعا النسخة دي ما يقصدوش ان هم كده حرفوا الكتاب المقدس. لكن هم اعترفوا اعترفوا بطريقة او باخرى ان العهد القديم في - 00:03:56

نصوص كثيرة جدا ما لهاش لازمة غير مفيدة للقارئ لن تنفعه في الناحية الروحية والايمانية ما لهاش لازمة ممكن نحذفها واعترفوا ضمنيا ان ترتيب الاسفار المتعارف عليه ما بين الناس - 00:04:11

ليس هو افضل ترتيب. وبالتالي ده معناه ان الكتاب المقدس كتاب بشري من بدايته والى نهايته. لأن البشر اخطأوا في الاول لما رتبوا

وبعدين قالوا لأ في ترتيب افضل. كذلك ايضا في ترتيب الاصحاحات. احنا قلنا ان معظم اسفار العهد القديم اسفار - 00:04:28
محررة بمعنى ان في ناس جم آآ جابوا وثائق قديمة قروها زبطوها نسقوها حرروها عدوا فيها وبعدين اخرجوها على هيئة الاسفار
اللي ما بين ايديينا دلوقت هؤلاء المحررون هم اللي اختاروا ترتيب المواد وترتيب الاصحاحات في السفر نفسه. هم اللي رتبوا الصفر
بالطريقة دي - 00:04:48

فبالتالي جم ناس قالوا لأ الافضل ان احنا نرتب الصفر بطريقة اخرى. تصدقوا بالله انا كنت بقول لنفسي هذا الموضوع. كنت بقول ايه
كنت بقول ان لو انا كنت محرر هذه الاصفار الخمسة كنت اخرجتها بشكل افضل بكثير جدا من - 00:05:15
ما هو عليه الان كنت قللت كثير جدا من نصوص ما لهاش لازمة كنت اختصرت جدا في السياق وما كررتش كثير كنت رتبت بشكل
افضل بعدين مش هقدر اعلق بقى على مسألة تهذيب النصوص والكلام ده كله. لأن ده امر متعلق باللغة الاصلية بيضيع اثناء الترجمة -
00:05:36

لكن على كل حال على الاقل الصفر كان هيخرج اكسر فائدة من غير لغو كثير وتكرار كثير وتفاصيل كثيرة ما لهاش لازمة وكان
هيخرج اكثر ترتيبا. هو ده اللي هم حاولوا يعملوا في كتاب الكتاب المقدس للعهد القديم لزمان ان الحاضر - 00:05:58
نسخة بيروتية منشورات دار المشرق بيروت. النص ترجمة يسوعية لكن زي ما قلت حاذفين نصوص كثيرة ومرتبين الاسفار بشكل
مختلف ومرتبين الاصحاحات بشكل مختلف. اعتقاد ان النسخة دي مش وده بي دي اف على النت لكن - 00:06:18
حااول على الاقل ارفع بعض الصفحات اخدتها سكانر علشان تقدروا تشووفوا ازاي حذفوا نصوص كثيرة وازاي رتبوا وازاي عدوا
وجعلوا العهد القديم افضل لزماننا الحاضر هنبأ الان قراءة سفر الخروج بشكل مختصر زي زي ما عملنا مع سفر التكوين. واحنا ما
زلنا في الملمزة اللي انا طبعتها العهد القديم - 00:06:39

كتب الشريعة وزي ما قلنا كتب الشريعة بالمصطلح الكاثوليكي هو اصفار موسى الخمسة او التوراة طبعا سفر الخروج بشكل عام من
قسم الى قسمين. قسم تاريخي بحت بيتكلم عن سيدنا موسى من بداية وجوده في مصر - 00:07:06
وبعدين آآ لما اتولد وفرعون وربنا اختاره للرسالة هو واخوه هارون وبعدين خروج المصريين من مصر وانشقاق البحر الاحمر وعبور
البحر والكلام ده كله ده موجود في سفر الخروج واضح من اسمه الخروج المقصود به خروج اليهود من - 00:07:23
مصر خروجبني اسرائيل من مصر النصف الثاني من صفر الخروج عبارة عن تشريعات. يبقى وبالتالي فيه جزء تاريخي متعلق بسيدنا
موسى وبسيدنا هارون وخروجبني اسرائيل من مصر وقسم اخر او النصف الثاني من الصفر بيتكلم عن التشريعات واستلام التوراة
والوصايا والشرائع والاحكام والعهد - 00:07:43

مع الله والكلام ده كله طبعا في اجزاء كثيرة جدا آآ ما لهاش لازمة في سفر الخروج وهم كذلك اختصروها في نسخة العهد القديم
لزماننا الحاضر فهنفوت على الكلام ده بسرعة. لكن على كل حال عاوز اقول ان سفر هام جدا لانه بيحتوي على -
00:08:06

صوت موسى عليه السلام وقصة موسى عليه السلام في القرآن الكريم اكثر قصة يعني مفرد لها مساحة في القرآن الكريم كريم. وكما
قال بعض الناس كاد القرآن ان يكون لموسى. يعني القرآن الكريم من كتر ما ذكر سيدنا موسى عليه السلام. ومن كتر ما - 00:08:29
قصته ومن كتر ما ذكربني اسرائيل وهكذا كان القرآن كان هيبقى لسيدنا موسى عليه السلام لان ذكر سيدنا موسى في القرآن كبير
 جدا جدا. وبالتالي زي ما قلنا المقارنة ما بين القصص الكتابية. والقصة القرآنية واستخراج الاختلافات. استخراج - 00:08:49
الایمانية اللي موجودة في القرآن الكريم بيان ان القرآن الكريم لم يقتبس من القصة الكتابية بيان ان القصة الكتابية مليانة اساءة عز
وجل مليانة اساءة للنبياء مليانة لغو كثير جدا وامور غريبة جدا وعجيبة وخرافات واساطير واشياء من هذه القبيل -
00:09:09

لما نبدأ تصفح سفر الخروج هنلاقي قهر شعب اسرائيل في اصحاب الاول بيتكلم فيه عن ان فرعون كان ذال لبني اسرائيل وبعدين
الثاني بيتكلم عن ميلاد موسى وبعدين هروب موسى الى مديان. في الاصحاح الثاني من الاول عدد حداشر. بيقول في - 00:09:30

عدد اتناسن فالتفت الى هنا وهناك ورأى ان ليس احد فقتل المصري وطمره في الرمل طبعا احنا كمسلمين عندنا قصة موسى عليه السلام في القرآن الكريم ان موسى عليه السلام قتل احد الاشخاص. لكن احنا بنقول لسيدنا موسى لن - 00:09:50

اعمد القتل والقرآن الكريم بيقول فوكه موسى فقضى عليه فالراجل مات غصب عن موسى ما كانش يقصد بضربه ان هو يقتله. لكن هنا القصة الكتابية بتبيّن لك ان ايه سيدنا موسى رأى رجلاً مصرياً يضرب رجلاً عبرانياً من اخوته فالتفت هنا وهناك بص يمين وشماله وبعدين ما لقاش - 00:10:10

حد شايشه فراح قتل المصري ودفنه في الرملة لأن القصة الكتابية بتقول لسيدنا موسى قتل هذا المصري مع سبق الاصرار والترصد الله المستعان. وهذه اساءة لموسى عليه السلام حتى وان كانت قبلبعثة لكن آآ يعني الانبياء - 00:10:36

خاض للبعثة وبعد البعثة آآ لا يتتصف بالصفات التي تمنع اتباعه يعني ما ينفعش اه يتتصف بالصفات التي تعتبر من خوارم المروءة. ما ينفعش يبقى قتال قتلة. ما ينفعش يبقى كذاب. ما ينفعش يبقى حرام - 00:10:58

رامي ما ينفعش يبقى زاني ما ينفعش يبقى مرتشي ما ينفعش يتصرف بصفات لما آآ يعني ربنا يوحى اليه ويسلم رسالة والنبوة ويصبح نبيا الناس تقول ده انت اصلاً وحش وانت سيرتك سينة ازاً يبقىنبي ويعني يتصل - 00:11:18

تمنع الناس من اتباعه ما ينفعش في ايضاً في الاصلاح الثاني خلاص سيدنا موسى قتل الراجل وهرب الى مديان او مدین زی ما بتقول القصة القرآنية ان القصة الكتابية في الاصلاح اتنين العدد سمعتاشر - 00:11:38

فاتي الرعاة وطردوهن فنهض موسى وانجدهن وسقى غنمهم. القصة بتاع الفتاتين اللي كانوا بيستقوى عند البير. القصة في الكتاب المقدس مختلفة تماماً عن القصة القرآنية. القصة القرآنية اجمل بكثير جداً في - 00:11:56

في حق الفتاتين وفي حق سيدنا موسى عليه السلام. القصة القرآنية بتقول ان البنتين كانوا آآ كان عندهم حياءً ما رضيوش يستقوا والناس مجتمعة على البير. فكانوا واقفين على جنب مش عارفين يعملوا ايه. فسيدنا موسى كلامهم - 00:12:16
باستحياء وقال لهم ما لكم في ايه واقفين كده ليه؟ فقالوا احنا مش هنقدر نسقي غير لما الناس دي تبعد يعني البنتين عندهم حياءً مش عاززين يتزاحمو على البير ففيها اخلاق ممتازة جداً علشان نتأسى بها. من ضمن اقوام السابقين. لكن هنا تجد ان البنتين كانوا بيعافروا مع الرعاة - 00:12:36

وراحوا الرعاة طردوهم فسيدنا موسى لما شافهم بيتخانقوا مع بعض راح قام وسقى لهما الله المستعان طبعاً في قصة ان خلاص آآ والد البنتين آآ زوج سيدنا موسى واحدة منهم وهكذا. في العدد رقم ثلاثة وعشرين - 00:12:58

اه وحدث في تلك الايام الكثيرة ان ملك مصر مات وتنهى بنو اسرائيل من العبودية وصرخوا فصعد صراخهم الى الله من اجل العبودية. فسمع الله انينهم فتذكر الله ميثاقهم مع ابراهيم واسحاق ويعقوب ونظر الله بنى اسرائيل وعلم الله - 00:13:18
العبارة دي في الاصلاح الثاني يعني الصياغة السيئة جداً جداً والكلام عن الله عز وجل بشكل وحش جداً لأن الله عز وجل كان غافل عمماً يعمل الظالمون وبعدين بسبب صراخهم لأن الله عز وجل تنبه - 00:13:44

وتذكر وعلم فهيتصرف الصياغة السيئة جداً جداً للقصة وفيها اساءة لله عز وجل في الاصلاح الثالث قصة ان موسى عليه السلام اصبح نبياً. ويبيقول في العدد الثاني وظهر له ملاك الرب بلهيب نار من وسط - 00:14:03

قصة ملاك الرب والرب نفسه. العهد القديم بيخلط ما بين الامررين في آآ امور كثيرة جداً بيبقى المقصود ملاك الرب. ملاك الرب يعني ايه؟ يعني جبريل او ميكائيل او احد الملائكة بيظهر يتكلّم نيابة عن الله عز وجل. ولما يتكلّم نيابة - 00:14:25
لعن الله ساعات الكتاب بيقول الرب هو اللي بيتكلّم فيه خلط طبعاً ما بين القصة الكتابية كذلك عند النصارى لما بيقرأوا القصة القرآنية بيقولوا كان ربنا ظهر في النار من النار. كون ان الله عز وجل كلم موسى من النار ده مش معناه ان ربنا كان حال في النار. لأنحن نستطيع ان ندرك قدرة الله - 00:14:46

عز وجل انه يخاطب موسى من النار لكن هو مش موجود من النار. كثير من المفسرين قالوا الملائكة هم الذين كانوا في النار او الملائكة هم اللي كانوا في شعلة النار وبيكلموا موسى او ينقلوا لموسى كلام الله عز وجل ايا كان. لكن القصة ما لهاش علاقة -

وفيما بعد لما ندرس العقائد المسيحية بشكل مستفيض سندرك ان التجسد غير الظهور وان التجسد ما حصلش غير مرة واحدة
واحدة بحسب الاعتقاد المسيحي لما الله نزل من السما وخلق لنفسه جسدا واتحد بهذا الجسد. الاتحاد بالجسد -
00:15:31
هو التجسد مش انه يظهر على هيئة جسد ففي فرق ما بين الظهور وما بين التجسد طيب على كل حال هنا بيقول ناداه الله من وسط
العليق وقال موسى موسى فقال لها انا ذا - 00:15:51

الاسلوب الحواري في الكتاب المقدس غريب لازم لما حد ينادي فلان يا فلان ايوه انا موجود طيب في العدد رقم ستة ثم قال انا الله
ابيك الله ابراهيم والله اسحاق والله يعقوب فغطى موسى - 00:16:09

وجهه لانه خاف ان ينظر الى الله. طبعا خاف ان ينظر الى الله او الى النار اللي الله عز وجل كان بيكلم موسى من خلالها ايا كان بتتجد
في لبس في الموضوع. زي ما قلنا قبل كده في قصة يعقوب وعيسى ولما قال ارى وجهك كما يرى وجه الله. وبعدين هنلاقي -
00:16:28

اكسر عجبا فيما يخص موسى وكلامه مع الله عز وجل يعني فيه مشكلة في الموضوع ده. فيه بعض الاخوة لما بيستدلوا ببعض
النصوص انا الله ابي الله ابراهيم او انا الله القدير سر امامي وكن كاما زي ما كلام الله ابراهيم في سفر التكوين وهكذا بيستشهدوا
بهذه النصوص على - 00:16:48

ان الله يعلن صراحة من هو في سياق نقد الوهية المسيح. وان المسيح بحسب الاناجيل لم يعلن بالفاز صريحة واضحة ليس فيها
لبس بكلام محكم انه هو الله. ما فيش حاجة زي كده. فالاخوة عندهم حق انا شايف ان ده امر طبيعي ان الله - 00:17:11
عندما يتجسد او عندما ينزل للناس او عندما يظهر للناس او عندما يكلم الناس يعلن انه هو الله. انه هو الله انه هو الله السماوات
والارض. خالق السماوات والارض بشكل صريح ما فيهوش لبس - 00:17:35

الاصحاح الثالث العدد تلتاشر فقال موسى لله ها انا اتي الىبني اسرائيل واقول لهم الله اباكم ارسلني اليكم. فاذا قالوا لي ما اسم
فماذا اقول لهم؟ فقال الله لموسى اهيا الذي اهيا - 00:17:53

طبعا المسيحيين عندهم آآ استشهاد بهذا النص سيف الخروج الاصحاحي الثالث العدد رقم اربعتاشر بيقولوا ان الله اسمه اهيا الذي
اهيا. وبعدين بيقولوا اهيا داب يعني لفظة باللغة العبرية معناها اكون - 00:18:14

الذى اكون او بشكل بلدي كده اكون اللي اكونه. يعني ايه؟ يعني النص لما تراجعه في ترجمات اخرى ولما تراجع التعليقات هنا الفكرة
ان بنى اسرائيل ما لهمش دعوة. هو ده معنى النص. ما لهمش دعوة انا اسمى ايه؟ او هم ما يعرفوش لسه - 00:18:34
ادعن الله. وبالتالي كل اللي حيعرفوه عن الله ان هو اختار سيدنا موسى وامر فرعون اطلق شعبي ليعدني. دي الايات والمعجزات
الدليل ان انا رسول من الله. لكن انت تعرفوا ايه عن الله علشان تقولوا ما اسمه يعني هم ما يعرفوش اسم الله اصلا. وفيه تناقض -
00:18:56

هنبقى نتكلم عنه فيما بعد او لعلي اشرت اليه مش متذكر في سفر التكوين ان سيدنا ابراهيم سمي المكان يهوى يرى وبعدين في
نصوص تانية في سفر الخروج سنأتي اليها ان سيدنا ابراهيم ما كانش يعرف الله باسم يهوى. والمفروض - 00:19:16
ان المسيحيين بيقولوا ان يهوى مشتقة من اهيه يعني فيها معنى الكينونة او الكائن او الواجب الوجود فيهوى اعني الواجب الوجود
هم بيقولوا كده. وبالتالي بيربطوا ما بين اهين الذي اهيه ويهوى وبعدين بيربطوا بنصوص قالها المسيح اه قبل ان يكون ابراهيم -
00:19:37

انا كائن وانا هو كل ده كلام فاضي. النص هنا ما لوش علاقة باسم الله يهوى. هو بيقول لهم فقال الله لموسى الذي اهيه اكون اللي
اكونه. هكذا تقول لبني اسرائيل اهيه ارسلني اليكم. هنا النص الثاني اهي ارسلني اليكم يبقى ده عكس كلامك - 00:20:00
يبقى معناه اسم. النص فيه مشكلة. في الترجمة اليسوعية في بعض تعليقاتها بتقول لا. اهيه الذي اهيه يعني اكون اللي اكون ما
لهمش دعوة بالاسم. ده المعنى. هم لسه ما يعرفوش عن حاجه علشان لما انت تقول لهم اسم فيعرفوا يبقى هو ده الله بني اسرائيل.

طيب في نص اللي بعده في العدد خمستاشر بيقول وقال الله ايضاً لموسى هكذا تقول لبني اسرائيل يهوي الله اباكم الله ابراهيم واله اسحاق واله يعقوب ارسلني اليكم. هذا اسمي الى الابد وهذا ذكري الى دور فدور - 00:20:43

فهل يهوي ليه علاقة باهيه ومش يعني لعل النص في البداية بيقول اكون اللي اكونه وبعد كده الله قال له لأ ده انا انا اسم يهوي الله اباكم بغض النظر لكن انا اقصد في النهاية اقول ان اهي فيها اشكالية تحتاج لدراسة علاقة يهوي باهيه محتاجة دراسة - 00:21:00
وايضاً مسألة يهوى قبل ان يكون ابراهيم انا كائن. وانا هو محتاج دراسة ايضاً. فيه بحث كنت كتبت قدیماً عن النص بتاع انجيل يوحنا بحث قبل ان يكون ابراهيم انا كائن هحط الرابط في اسفل الفيديو لعله يكون مفيد في هذا - 00:21:23

مبحت في الاصحاح الرابع علامات لموسى ان الله عز وجل يعطي لموسى عليه السلام ايات ومعجزات يبقى دليل ان هو رسول من عند الله. فهنا في رقم اتنين فقال له الرب ما هذه في يدك؟ فقال عصى اطرحها الى الارض فطرحها الى الارض فصارت حية

فهرب موسى منها - 00:21:42

ثم قال الرب لموسى مد يدك وامسك بذنبها فمد يده وامسك به فصارت عصا في يده. ان الله عز وجل هنا اعطى لسيدنا موسى معجزة العصا زي ما احنا نعرف في القرآن. وبعدين في العدد رقم ستة ادخل يدك في عبك فادخل يده في عبه - 00:22:04
ثم اخرجه واذا يده برقاء مثل الثلج. طبعاً هنا الوصف برقاء مثل الثلج. غير الوصف القرآني بيضاء من غير سوء الله المستعان. فرق كبير يعني. طبعاً يعني انا اقصد ان الصياغة القرآنية لها علاقة بان القرآن كلام الله وان ده كلام بشري اجتهد - 00:22:24
الوصف عبارة عن ايه؟ او نقلها من وثيقة تاريخية وحررها ايا كان. فبقى الوصف السيء. برقاء مسل الثلج. ووصف البرص وصف سيء الناس ما بتحبس البرص. لكن لما يقول آآ بيضاء من غير سوء - 00:22:53

تفرق لأن ايديه كانت بتتثور مش بيضاء برقاء الله المستعان طيب في العدد رقم تلتاشر هنا اساءة لله عز وجل على لسان موسى. سيدنا موسى ربنا بيكلمه بيقول له اذهب لبني اسرائيل واهيه الذي احيه ويهوي ومع - 00:23:11

معك عصا ومعك يدك الاية الاولى والاية الثانية لو ما سمهوش الاية الاولى اسمعوا للاية الثانية. شف استجابة موسى عليه السلام اصحاح اربعة في العدد رقم تلتاشر بيقول فقال استمع ايها السيد - 00:23:34

ده سيدنا موسى بيكلم ربنا بيقول له اسمع يا سيد يعني استمع ايها السيد فيها اشارة انتبه لي خلي بالك يعني وصف مسيء كلام بالطريقة السيئة مع الله. وبعدين ارسل بيد من ترسل - 00:23:54

ارسل بيد من ترسل وبعدين لما تقارنها في الترجمات تجد ودي نقطة مهمة. بعض الترجمات بتحاول تلين اللفظ في ترجمات الكلام قوي زي ترجمة الفان دائيك. في ترجمات تانية زي اليسوعية والترجمات الحديثة تجد انهم - 00:24:14

حاولوا يحسنوا الالفاظ ازاي؟ هنا النص بيقول استمع ايها السيد ارسل بيد من ترسل يعني ايه؟ اسمع يا سيد ارسل اللي ترسله ارسل اللي ترسله. يعني فكك مني. انا مش عايز المهمة دي. ما ترسلنيش انا شف لك حد تاني ترسله. ده معنى النص - 00:24:34

الترجمات الثانية بقى تقول لك ايه عذرا ايها السيد يعني استسمحك تشووف حد هو سيدنا موسى قال كده؟ طب انت تعرف منين بقى سيدنا موسى؟ بحسب النص الكتابي تكلم بكلام مسيء - 00:24:57

ولا بكلام مؤدب يعتذر عن الرسالة تراجع بقى الكتب اللي لها علاقة باللغات الاصلية. ترجع لكتاب العهد القديم عربي عربي ما بين السطور. ترجع لبرنامج الانترنت سكريبتشر انا لايزر - 00:25:11

وتراجع ترجمات كسيرة جداً لكن الاساس تحاول تدرس النص العربي. تحاول تقرب من النص العربي تشووف. الصياغة الحرفية انا مقتنع ان الصيغة الحرفية اكسر هي التي تجعل العبارة مسيئة اسمع ايها السيد ارسل بيد من ترسل. شف لك حد غيري - 00:25:31
هنا الدليل ان الكلام مسيء النص اللي بعده فحمي غضب الرب على موسى. ربنا غضب عليه. ازاي تقول الكلام ده لربنا؟ اليهس هارون اللاوي اخاك انا اعلم انه هو يتكلم وايضاً ها هو خارج لاستقبالك فحينما يراك يفرح بقلبه فتكلمه - 00:25:52

تضع الكلمات في فمه هنا ترتيب الكلام. خلاص سبك بقى من الجزء المسيء انتهينا من الجزء المسيء لكن لما تقارن بالقصة الكتابية هو مين اللي طلب ان سيدنا هارون يكون معه؟ هنا القصة الكتابية توحى لك - 00:26:12

ان سيدنا موسى كان بيقول انا ما انفعش للموضوع ده فربنا اعطى له الحل سيدنا هارون هيكون معك في القصة القرآنية سيدنا موسى هو الذي طلب ان سيدنا هارون يكون معه وربنا استجاب لطلبه. وبالتالي سيدنا موسى هو اللي طلب. وشف الفوائد الایمانية. والفوائد اللي - 00:26:33

اجتماعية اللي بنقدر نطلعها من الكام سطر دول والفوائد الدعوية يعني امر خطير جدا. يا جماعة فيه ناس مؤلفات في فقه الدعوة فقط من قصة سيدنا موسى ومن ضمن الفوائد في فقه الدعوة الاستعانة باخيه هارون - 00:26:56

وطلاقة اللسان وانه يعينه على البر والتقوى. ويعينه على العبادة. ويذكره بالله وهكذا فين كل ده في الكتاب المقدس؟ في الكتاب المقدس اسمع ايها السيد ارسل بيد من ترسل فربنا غضب عليه واسمع اخوه هارون مش عارف مين وهكذا. الله المستعان - 00:27:18

هنا عنوان عودة موسى الى ارض مصر وبعدين بتلقي قصه عجيبة جدا مقحمة في النص آآ اسرائيل ابن البكر في نص هنا آآ في العدد اتنين وعشرين. اسرائيل ابن البكر. هنا النص ده - 00:27:40

اخوة بيستشهدوا بي آآ كدليل على معنى ابن الله والمسيح ابن الله مش بالضرورة معناه ابن مولود من الله مستحق للعبادة وان فيه ناس كثير اتقال عنهم ابناء الله بما فيهم اسرائيلبني اسرائيل كله ابن الله البكر. وناس تانيين كثير جدا في العهد القديم - 00:27:58
سيدنا ادم ابن الله سيدنا سليمان ابن الله ناس كثير اطلق عليهم انهم ابناء الله. طيب في العدد رقم واحد وتلاتين فامن الشعب ولما اسمعوا ان رب افتقد بنى اسرائيل وانه نظر مذلتهم خروا وسجدوا. فيها ان اه - 00:28:20

بني اسرائيل استعدوا يعني لما اسمعوا عن موسى وهارون وامنوا بأنهم رسول وهكذا. فيه نقطة في غاية الاهمية في القصة الكتابية مقارنة بالقصة القرآنية ان كان سيدنا موسى وهارون هم كل مهمتهم - 00:28:40

بني اسرائيل مش مهمتهم دعوة سيدنا آآ دعوة آآ باقي المصريين ودعوة فرعون لليهود. فهنا كل القصة في الكتاب المقدس ان اطلق شعبي ليعبدني وخلاصهم بنى اسرائيل هم اللي يعبدوا والله - 00:29:00

بالفكر العنصري. الله العبرانيين. الله بنى اسرائيل فهم بس اللي يخرجوا يعبدوا. الباقيين مش مهم يعبدوا مش يعني مش هي دي النقطة الرئيسية طيب في الاصحاء الخامس مقابلة موسى وهارون لفرعون - 00:29:22

في العدد الثالث فقالوا الله العبرانيين قد التقانا فنذهب سفر ثلاثة ايام في البرية وندبح للرب بالهنا لأن لا يصيينا باللوبا او بالسيف بقينا هي دي القضية الله العبرانيين الفكر العنصري هنروح بس تلت أيام لأن يعني هنروح ونرجعلك تاني ولا ايه مش مش فاهم انا - 00:29:41

طيب هنا في العدد رقم واحد وعشرين فقالوا لهم بنى اسرائيل سيدنا موسى وهارون راحوا لفرعون ما رضيش يطلق شعبه بل انه زود عليهم الاحمال والاثقال فبني اسرائيل شف شعب متمرد جدا جدا. الله المستعان - 00:30:08

في العدد رقم واحد وعشرين بيقول فقالوا لهم ينظر الرب اليكم ويقضى. كأني يعني ربنا ينتقم منكم. بنى اسرائيل كان ده لسان حالهم ربنا يشوف انتم عملتم فيما ايه وربنا ينتقم منكم. ربنا يقضى ما بيننا وما بينكم. لأنكم - 00:30:39

انت انتما رائحتنا في عيني فرعون وفي عيون عبيده حتى تعطي سيفا في ليقتلونا يعني كلامكم جاب لنا المشاكل. شف يعني ربنا ارسل لهم موسى وهارون عليهم السلام علشان يحررورهم من العبودية لما لقوا ان الموضوع من بدايته ما جابش نتيجة ربنا ينتقم منكم - 00:31:00

ده انتم جبتو لنا المشاكل اكتر. وكل شوية هتلاقوا كده في سفر الخروج لغاية سفر يشوع كل ما تحصل مشكلة يا ريتنا كنا فضلنا في مصر. ما احنا كنا حلوين عايشين عبيد لفرعون. نفسية العبودية - 00:31:28

هي دي وانه مرتاح وهو عبد. لا يريد ان يشقى قليلا حتى يحصل على الحرية الحرية بأنه يكون عبد لله فيعتقد من عبودية الاخرين. أ

كل ما تحصل له مشكلة ابتباء - 00:31:45

اثناء سيره الى الله يقولوا ايه؟ يا ربتنا فضلنا عبيد لفرعون. ده كان بيرمي لنا فتات اكل وكتنا بنأكل مجانا من غير فلوس وكنا عايشين من فتات اسيادنا مرتاحين. نفسية العبيد الله المستعان - 00:32:05

هنا سيدنا موسى لما سمع منبني اسرائيل انهم متذمرين الاساءة لله على لساننبيه الله يعد بالخلاص. فرجع موسى الى الله وقال يا سيد بقدر يا سيد ماشي. لماذا اسألت الى هذا الشعب؟ سيدنا موسى - 00:32:26

يبقول لربنا انت اسألت للشعب انت فعلك سيء ده كفر لماذا اسألت الى هذا الشعب؟ يعني احنا لما لما نيجي كمسلمين نتكلم عن الله بنقول ان الشر ليس اليه ولو كان شر اصحاب الانسان فده شر ظاهر عندما يتذرع فيه - 00:32:52

يكون فيه كل الخير والابتلاء يذكر الانسان بربه ويجعله يتقرب الى الله ويدعوه. وربنا بيغفر له سيئات ارفع عنه خططياته ويرفع درجاته في الجنة. حاجات كثيرة جدا فوائد من الابتلاءات - 00:33:18

هنا سيدنا موسى النبي بيقول لربنا لماذا اسألت الى هذا الشعب؟ لماذا ارسلتني يعني ايه لما ارسلتني؟ يعني فيما معناه انت كسفنتي قصادهم قلت لي احنا هنروح نقول لفرعون اطلق شعب ليعبرني وملعك معجزتين والموضوع هينقضي - 00:33:35

اديني رحت وما حصلش حاجة لماذا ارسلتني فانه منذ دخلت الى فرعون لاتكلم باسمك اساء الى هذا الشعب وانت الم تخلص شعبك والله العظيم كلام يعني كيف يوضع هذا الكلام على لسان موسى عليه السلام؟ بيقول لي انت اسألت لشعبك انت ما طلعتش قد كلامك انا رحت - 00:33:58

الفرعون وراح اساء لهم اكتر وانت ما خلصتش شعبك زي ما قلت فهنا الله بيقول لسيدنا موسى في بداية الاصلاح السادس وهذا تجد ايه حين تجد التقسيم السيء للاصحاحات العنوان الله يعد بالخلاص. ده موضوع جديد في العدد الاتنين وعشرين وتلاتة وعشرين. المفروض يستمر - 00:34:26

ليه تقسيم اصلاح جديد؟ يبقى ايه لازمة ان اسمه اصلاح؟ المفروض اصلاح يعني ايه؟ يعني جزء صحيح كامل له بو معنى تقسيم سيء جدا لانه تقسيم بشري فهنا تجد ان بداية الاصلاح السادس كان يجب ان يكون في نهاية الاصلاح الخامس او على الاقل يبقى بداية الاصلاح السادس - 00:34:53

عند الموضوع الجديد الله يعد بالخلاص الله المستعان فقال الرب لموسى الان تنظر ما انا افعل. ما تزعليش انا هخلص الموضوع. دلوقتي تشوف انا هعمل ايه طيب في العدد اثنين من الاصلاح السادس ثم كلم الله موسى وقال له انا الرب - 00:35:20
وانا زهرت لابراهيم واسحاق ويعقوب باني الله القدير على كل شيء. واما باسمي يهوى فلم اعرف عندهم هنا في نقطة. اول نقطة واما باسم يهوى فلم اعرف عندهم. وبعدين تيجي تشوف في سفر التكوين ازاي؟ سيدنا ابراهيم سمي - 00:35:45
مكان يهوى يرى لان الرب زهر له وقال له انا الله القدير سر امامي وكن كاملا. ده تنافق ظاهر. ما بين سيف الخروج وسفر التكوين. صفر الخروج بيقول ان ابراهيم واسحاق ويعقوب ما كانوا يهوى. وسفر التكوين بيقول سيدنا ابراهيم سمي المكان يهوى يرى. لان يهوى ظهر له - 00:36:05

طيب فيه نقطة تانية ان كان القصة ملختطة. يعني ايه القصة ملختطة؟ هنا السياق الكلام ان كان ربنا بيعرف سيدنا موسى تنافق. طيب فيه نقطة تانية ان كان القصة ملختطة. يعني ايه القصة ملختطة؟ هنا السياق الكلام ان كان ربنا بيعرف سيدنا موسى فمن جديد وبيختاروا كنبي وبيعرفوا عليه وكأن القصة دي شبه احياء الذي اهيه واسم يهوى هذا الذكر - 00:36:27
الى دور فدور. يعني فيه لخبطه ودي من ضمن ادلة ان الكتاب بشري من ضمن ادلة ان الكتاب محرر ما ربتوش الوثائق كوييس. الدنيا ملختطة معهم تجد ان القصة بتتكرر مرة اخرى - 00:36:51

طيب في العدد رقم عشرة من اصلاح السادس. ثم كلم الرب موسى قائلًا ادخل قل لفرعون ملك مصر ان يطلق اسرائيل من ارضه تاني لأن القصة بتتعان من جديد فتكلم موسى امام الرب قائلًا هو ذا بنى اسرائيل لم يسمعوا لي. لم يسمعوا لي ازاي واحنا لسه قاربين - 00:37:07

من شوية ان فامن الشعب لما سمعوا ان الرب افتقد بنى اسرائيل في غلط في الترتيب شديد. فتكلم موسى امام الرب قائلًا

هو ده بنى اسرائيل لم يسمعوا لي. فكيف يسمعني فرعون - 00:37:34

وانا اغلى في الشفتين. ده هنا لسه بداية القصة خالص البنى اسرائيل ما سمعونيش وانا ازاي هكلم فرعون وانا ما بعرفش اتكلم كويس. فراح ربنا قال له انا هكلم لك هارون فكلم رب موسى وهارون واوصى معهم كده - 00:37:51

ايه ده! قصة بتتعاد مرة تانية وبعددين في النص كده كلام ما لو ش لازمة نسب موسى وهارون وبعددين هارون يتكلم بالنيابة عن موسى وكان يوم كلم الرب موسى في ارض مصر ان الرب كلمه قائلًا. تاني انا الرب. كلم فرعون ملك مصر بكل ما انا - 00:38:11
به. فقال موسى لها انا اغلى في الشفتين. فكيف يسمع لي فرعون؟ فقال الرب لموسى انظر انا جعلتك لها لفرعون وهارون اخوك يكون نبيك تالت مرة القصة تتبع من اول وجديد. ترتيب في غاية السوء. وبعددين في هنا ايضا التقسيم السيء جدا - 00:38:37

عنده العنوان هارون يتكلم بالنيابة عن موسى ده اخر الاصحاح السادس فجأة الاصحاح السابع بيبدأ تلاقي ما بين قوسين الى العدد اربعه وعشرين. لما تتأملوا هذه الصفحة ستتجدوا تقسيم الاصحاحات سيء. مكرر اكتر من مرد تسبيب في الخروج - 00:39:00

كان مفروض يا اما بداية الاصحاح السابع يبقى عند هارون يتكلم بالنيابة عن موسى او يعني تتقسم بطريقة تانية في نقطة بالنسبة لبداية الاصحاح السابع العدد الاول. فقال الرب لموسى انظر انا جعلتك لها لفرعون وهارون اخوك يكون - 00:39:20
نبيك المفروض اني انا جعلتك لها المقصود بها ان انت لك سلطان على فرعون. بالمعجزات والآيات انا ايدتك وهكذا فالاشكالية ان الكلمات المقدسة التي ينبغي ان لا تنسب الا لله تم نسبتها للبشر. المسلمين ما بيعملوش - 00:39:40

الموضوع ده. الالفاظ والمصطلحات او الكلمات او الاسماء او الالقاب التي لا يجوز نسبتها الا لله عز وجل. لا ننسبها الا لله عز وجل لأن لها لفرعون لها لما نرجع لعيري ما بين السطور هنلاقي ان لها هي الهيم. نفس الكلمة - 00:40:06
ابريل موجودة في بداية سفر التكوين انا اه في البدء خلق الله السماوات والارض. في البدء خلق الله السماوات والارض الله هي الهين. وبالتالي حلق الهيم اسم من اسماء الله ولا لقب ولا ايه ايه اللي مفروض يحصل - 00:40:28
في النهاية احنا بنقول ايه؟ في اشكالية في الكتاب المقدس ان الاسماء والالقاب الالهية بتتنسب لغير الله عز وجل. وبالتالي ممكن نستخدمها في نقد والوهية المسيح. ان احنا نقول ان حتى لو المسيح قيل - 00:40:47

عنده انه الله لكن هذا لا يعني انه الله حقيقي مستحق للعبادة لان سيدنا موسى وغيره في العهد قديم اتقال عنهم ان هم الله او الة. ومع ذلك ده مش معناه ان هم مستحقين للعبادة - 00:41:04

فهنا انا جعلتك لها لفرعون معناها انت صاحب سلطان انت مؤيد من الله لك سلطان على فرعون. وهارون اخوك يكون نبيك يعني سيدنا هارون يتكلم عنك فيما ت يريد ان تخبره لفرعون - 00:41:23

طيب هنا عصى هارون تحول الى ثعبان العنوان في العدد السابع. وفي نقطة في غاية الالهية هو مين اللي بيعمل المعجزات وعصا مين اللي هتحتحول وهي المعجزة لما ربنا في سفر الخروج قال لسيدنا موسى ايه اللي - 00:41:42
انت ماسكه في ايدك دي دي عصاية القيها اتحولت حية امسك بجنباتها رجعت عصاية. وبعددين سيدنا موسى حط ايدك في عضك ولا في اللفظ الكتاب بيقول ربك هيخرج برصاء مسل التلنج. يعني مين اللي مفروض يعمل المعجزات؟ وايه دور سيدنا هارون في القصة - 00:42:01

دور سيدنا هارون انه معرض لموسى عليه السلام ده بحسب الفهم الكتافي المفروض وانه بيتكلم عن موسى عليه السلام لفرعون.
وهكذا ايضا في القصة القرآنية. مين اللي بيعمل المعجزات؟ سيدنا موسى. مين اللي بيتكلم - 00:42:22

سيدنا هارون هنا في القصة الكتابية ودي من ضمن الا أدلة ان القرآن ما اقتبسش قطعا ولا شك ان الكتاب المقدس. ان الكتاب المقدس بينسب معظم المعجزات اللي اتعلمت امام فرعون لهارون عليه السلام. وليس لموسى. فهنا عصى هارون - 00:42:39
تحول الى ثعبان هنا بيقول ايه؟ طرح هارون عصاه امام فرعون. واما عبيده فصارت ثعبانا. فدعا فرعون ايضا الحكماء والسحرة ايه ده فعل عارفوا مصر ايضا بسحرهم كذلك. طرحو كل واحد عصاه فصارت العصي ثعابين لكن - 00:42:59
قصة هارون ابتلعت عصيهم. لو لو اقول لك قد ايه اختلافات ما بين القصة الكتابية والقصة القرآنية كثير جدا جدا. اولا طبعا القصة

اتعادت اكتر من مرة وفوق الترتيب في الكتاب المقدس مشكلة. في طبعا القصة في القرآن الكريم ان سيدنا موسى عمل المعجزة مرة - 00:43:26

قصاد فرعون وبعدين قال له سحر والكلام ده كله وبعدين طب هات السحرة كلهم وبعدين موعدكم يوم الزينة وبعدين السحرة آآ القوا 00:43:46

اللي موجودة في القرآن الكريم اللي ما لهاش اي اثر في الكتاب المقدس. هنا تجد لأن القصة ايه هي حصلت مرة واحدة بس هو 00:44:05

سيدنا موسى لما تيجي تراجع المقابلة مع فرعون - 00:44:22 لا رمى عصاه ولا عمل اي حاجة. هي دي المرة الاولانية اللي سيدنا هارون هو اللي بيرمي العصا. وبعدين سحرة عملوا زيه بس هارون عليه السلام اكلت بقية العصياب او الشعابين - 00:44:22

يعني بص قصة هارون وتحول العصا فقرة صغيرة جدا شف مفرد لها قد ايه في القرآن وبعدين شف مساحة صغيرة في في 00:44:39

الكتاب المقدس فوائد قليلة جدا جدا مساحة كبيرة في القرآن. فوائد لا حصر ولا عد لها - 00:45:00 سبحان الله العظيم. فبها تعرف مين هو انهي كتاب كلام الله؟ انهي كتاب موحى به من الله عز وجل طبعا هنا تحويل الماء الى دم في العدد رقم تسعاشر من اصحاح السابع بيقول الرب سم قال الرب لموسى قل لهارون خذ عصاك ومد يدك - 00:45:00

مياه المصريين تحولت لهم مين اللي بيعمل المعجزة؟ سيدنا هارون. طيب الزريف بقى في الموضوع ان في اخر الفقرة في العدد رقم ثلاثة وعشرين واربعة وعشرين بيقول ايه؟ سم انصرف فرعون ودخل بيته يعني حصلت المعجزة - 00:45:27

ازا والمایة كلها اتحولت دم المفروض ايه النتيجة؟ ما يعرفوش يشربوا الدنيا خلاص بقت بؤس بالنسبة لهم وبالباء شديد جدا ومش 00:45:44 عارفين نعيش من غير مایة كل المایة بقت دم - 00:45:44

هنا القصة الكتابية بتعطي لك انطباع ودي اساءة لله. بتعطي لك انطباع ان السحرة حلوا المشكلة وعالجوا الموضوع والباء اللي ربنا ابتلاهم به اتحل يعني قدروا يحتالوا على الله وموضوع تحويل المایة لهم مش مشكلة عدت على خير. هنا بيقول ايه؟ ثم انصرف فرعون ودخل بيته - 00:45:59

ولم يوجد قلبه الى هذا ايضا وحفر جميع المصريين حوالي النهر لاجل ما ليشربوا لانهم لم يقدروا ان يشربوا من ماء النهر. حفروا 00:46:28 طلعت لهم مية ان وضوء عدى وبالتالي يعني عاوز يقول لك ايه - 00:46:28

الموضوع مش مشكلة يعني حولت لنا المية لهم مش معجزة ولا حاجة. احنا هنتصرف. ايه كل الجحود والانكار ده في بداية الاصحاح 00:46:50 التامن ضربة الضفادع. وبعدين في نقطة عدد الضربات - 00:46:50

في تسع ايات الى فرعون وقومه ده في القرآن هم تسعه في الكتاب المقدس خلاهم عشرة. طب مين فيهم الصح؟ هم تسعه ولا عشرة ونفس اشكالية ازار وطارح لأ ايه الكتاب المقدس محرف او فيه اشكالية معينة او فيه اية واحدة في القرآن هو فرطها اليتين في الكتاب. يعني معجزة - 00:47:06

في القرآن هو فرطها المعجزتين. المهم في النهاية ان القرآن صح حتى لو خالف الكتاب محرف ما عمالين نشوف اشكاليات 00:47:29 وسوء ترتيب والقصة عمالة تتعاد واساءة لله واساءة للنبي وقتل مع سبق الاصرار والترصد وفي الاخر لما نلاقى - 00:47:29

ما بين القرآن والكتاب حاول نوفق ما بينهم علشان نعيش في تبات ونبات ونخلف صبيان وبنات ايه الكتاب محرف في القرآن هو 00:47:48 اللي صح؟ قضي الامر الذي فيه تستفتيه طيب هنا - 00:47:48

اشارة الى ان السحرة يقدروا يعملوا زي ما فرعون زي ما اسف زي ما هارون وموسى بيعمله. هنا في العدد السادس من اصحاح فمد 00:48:03 هارون يده على مياه مصر فصعدت الضباب وغطت ارض مصر - 00:48:03

و فعل كذلك العرافون بسحر بسحرهم واصعدوا الضفادع على ارض مصر بغض النظر ان ده سفه لكن فيها انطباع ان انت ما عملتش حاجة جديدة. ما احنا نقدر نعمل اللي انت بتعمله - 00:48:25

هو المفروض المنطقي ان سحرة فرعون ما دام قادرين يتحكموا في الضفادع يبعدوا الضفادع عنهم. لأن هو ربنا سلط عليهم الضفادع

فهم قالوا طب احنا هنجيب على نفسها ضفدع كمان واحنا كمان نقدر نتحكم في الضفادع. بغض النزد هو طبعاً الهدف ايه -

00:48:42

آآ اللي انتم قدرتوا تعملوه السحرة قدروا يعملوه في مشكلة الماء اللي اتحولت دم المصريين حلو الموضوع. عاوز اقول لك يعني دي مش ايات بینات ولا حاجة الموضوع بيمشي او احنا بنقدر نعمل زيها او ايا كان - 00:49:02

هنا في القصة في اشكالية وفيها نوع من انواع الاساءة لله اني كان فرعون عليه لعنة الله في مرحلة من المراحل امن او كان يريد ان يؤمن لكن ربنا اللي مش لا يريد انه يؤمن وقص قلبه والكلام ده كله - 00:49:20
ودي ده وصف سيء جداً لله. يعني هنا بيقول ايه اصلاح تامن لعدد تمانية وعشرين فقال فرعون انا اطلقكم لتذبحوا للرب الحكم في البرية ولكن لا تذهبوا بعيداً صلياً لاجلي - 00:49:43

هو خلاص ما كده امن اهو وكان عاوز يطلقهم. وبعدين يعني حصلت اشكالية طب هو مين اللي هيخرج عشان يذبح؟ لازم كله بالستات والولاد كله يخرج لأ الرجال بس اللي تخرج يعني لأن القضية روحوا وارجعوا لي تاني وانا هسيبكم وترجعوا المهم ان في اكثر من مرحلة - 00:50:01

بتتجد نصوص فيها بيان لأن فرعون امن وبعدين في نصوص بتقول لا ربنا قسى قلبه وربنا ختم على قلبه او كذا يعني ان فيه سوء فهم دي ممكن نصوص تستخدم للرد على اللي بيعرضوا على مسألة ان الله عز وجل يضل البشر - 00:50:21
واحنا بنفهم من القرآن ومن سياق الآيات ان المقصود بان ربنا اضلله هو ان ربنا تركه على اختياره الخاطئ ان هو اختار الضلال وهو اختيار الكفر فربنا بيقول له طيب ده اختيارك ستظل عليه - 00:50:41

ويظل في هذا الضلال ويمد له الرحمن في هذا الضلال وفي هذا الغي طيب لكن مش بيجي يؤمن فربنا يقسي قلبه في العدد سبعة وعشرين فارسل فرعون ودعا موسى وهارون وقال لهم شف - 00:51:01
اخطأ هذه المرة. الرب هو البار وانا وشعبي الاشرار. خلاص اعترف. وامن صليا الى الرب وكفى حدوس رعود الله والبرد فاطلقكم ولا تعودوا تلبثون فان فرعون المفروض امن طيب وهنا في الآخر فقال موسى كزا كزا واما انت وعيديك فانا اعلم انكم لم تخشو بعد من الرب الاله - 00:51:20

الظاهر يعني القضية في ايام فرعون والقصة الكتابية يعني بتحسن من صورة فرعون الله المستعان ضربة الجراد في الاصلاح العاشر. فقال عبيد فرعون له الى متى يكون هذا لنا فخا - 00:51:56

اطلق الرجال ليعبدوا الرب الهم. الم تعلم بعد ان مصر قد خربت؟ يعني ادي كمان حاشية فرعون بدأوا يؤمنوا وبيقولوا فرعون يعني خلاص بقى انت خربتها. سببهم ويروحوا يعبدوا الرب الهم - 00:52:16

طيب وبعدين في العدد ستاشر فدعا فرعون موسى وهارون مسرعاً مرة ثانية وقال اخطأ إلى الرب الهماما اواليكما والآن اصفحا عن خطبتي هذه المرة فقط. وصليا إلى الرب الهم ان يرفع عنك هذا الموت - 00:52:32

تحسين صورة فرعون والمشكلة الایمانية بتاعتة هنا في الاصلاح اتناسخ في العدد رقم تلتاشر بيقول ايه؟ ويكون لكم الدم علامة على البيوت التي انت فيها فاري الدم واعبر عنكم فلا يكون عليكم ضربة للهلاك حين - 00:52:53

ارض مصر القصة ان ملك الموت هييعدي فلازمبني اسرائيل يذبحه يعلمه بالدم على البيوت فالرب هيشفوف الدم او ملك الموت هيشفوف الدم فيعبر ومش هيموتهم. وبالتالي هذه اشاره الى ان ده فعل من افعال اليهود - 00:53:16
انه لما يذبح يقعد يعلم بالدم. فلا يجوز للمسلم انه يقع في هذا. يعني المسلم اللي يذبح ويقعد يعلم الدم سواء على الحيطان البيت او ايا كان. او على ابنه او ايا كان - 00:53:38

منظنة ان الدم ده هيتفعه بشكل او باخر او هيدفع عنه الضرك الواقعة في بدعة وشبه اليهود لكن ده ايضاً نوع من انواع الشرك ولا يجوز. ويجب على المسلم ان يتغافل عن هذا - 00:53:55

طيب وبعدين في عنوان الخروج هيخرجوا من ارض مصر كلها تفاصيل تاريخية فرائض الفصح وبعدين تكريس الابقار. كل دى

تفاصيل يعني ممكن مراجعتها. وغالبا هتلاقوها من من غير فاندة. في الاصحاح تلتاشر - 00:54:13

تحت عنوان تكريس الابكار وكلم الرب موسى قائلا قدس لي كل بكر كل فاتح رحم منبني اسرائيل من الناس ومن البهائم انه لي قدس لي كل بكر وان يسوع او المسيح بحسب العهد الجديد كان بكر فهو قدوس او قدس للرب - 00:54:33

وبعدين آآ المسيحيين بيتلابعوا في الترجمة. يعني ايه؟ هو قدس للرب. او قدس للرب او خاص بالرب يعني ينذر الله. ده المعنى ينذر الله قدس لي كل بكر يعني يبقى لخدمة الله ويبيقي لله. سواء لو من البهائم يبقى ذبيحة لله او من الاولاد فيبقى كاهن او - 00:54:55

ايا كان النصارى بقى يلعبوا في الترجمة فيقول لك المسيح قدوس والله هو القدس يبقى المسيح هو الله لأ احنا بنقول فاتح آآ قل فاتح رحم كل بكر قدس للرب. انت بقى تحرفها بقى قدوس وايا كان - 00:55:20

يعني المسألة لا تؤدي الى تأليه المسيح بحال من الاحوال لكنها مجرد عادة آآ مأخوذة من العهد القديم طيب هنا عنوان الارتحال يعني خارجين من مصر. في العدد تسعاتاشر من الاصحاح التلتاشر واخذ موسى عظام يوسف معه لانه كان - 00:55:41

قد استحلب بنى اسرائيل بحلف قائلا ان الله سيفتقدمكم فتصعدون عظامي من هنا معكم. ومسألة اصعاد عظام يوسف اه هي نهاية سفر التكوين في الاصحاح الاربعتاشر تحت عنوان مطاردة فرعون لهم - 00:56:03

تمرد بنى اسرائيل بباقى ايه في العدد حداشر من اصحاح الاربعتاشر؟ وقالوا لموسى هل لانه ليست قبور في مصر اخذتنا لنموت في البرية شوفوا قلة الادب وبعدين طبعا لما تبجي تتكلم ما هو دول اليهود اللي عبدوا العجل فمش بعيد عن اليهود قلة الادب - 00:56:23

لكن المشكلة بقى لما تجد مثل هذا الكلام منسوب لسيدنا موسى. اسمع يا سيد ارسل بيد من ترسل. وانت ما خلصتش شعبك والكلام ده كله هنا بباقى له ايه بالبلدي - 00:56:45

من قلة القبور في مصر. خرجتنا من مصر للبرية علشان ندفن هنا. ما كنا ندفن في مصر احسن ده تشكيك في يعني الله المستعان ما هو مش عايز اطيل في هزه المسألة. مازا صنعت بنا حتى اخرجتنا من مصر؟ اليس هذا هو الكلام الذي - 00:57:00

المناك به في مصر قائلين كف عنا فنخدم المصريين. يا عم احنا عايزين نبقى عبيد انت مالك انت احنا بنحب العبودية بنحب الذل انت مالك يا اخي الله يريد لكم ان تكونوا احرار من اي قيد عبودية للمخلوق فقط العبودية للخالق. يا عم سبنا في حالنا يا عم احمد - 00:57:19

احنا بنحب العبودية هذا حال كثير من الناس الذين يعني بيتعدون عن الوحي بيتعدون عن اتباع النبي محمد صلى الله عليه وسلم ودخول الاسلام وهكذا طيب هنا في العدد رقم خمستاشر ترنيمة موسى ومريم - 00:57:43

ومريم اخت موسى وبعدين سوء فهم الاية التي تتكلم عن مريم ام عيسى يا اخت هارون يا اخت هارون دي يعني فيها كلام في التفاسير في بعض المفسرين قالوا ان كان لها اخ اسمه هارون. زي ما سيدنا موسى كان له اخت اسمها - 00:58:05

مريم واخ اسمه هارون. وده مجرد تشابه اسماء هي فعلا كان لها اخ اسمه هارون لكن ده مش هارون اخو سيدنا موسى ففي بعض الناس يقول لك القرآن اخطأً وتلخبط ما بين مريم اخت هارون وموسى ومريم ام المسيح - 00:58:30

انت مين قال لك الكلام ده وهو فين اصلا جه ذكر مريم اخت موسى وهارون خالص في القرآن الكريم ولا المسلمين يعرفوا منين اصلا ان سيدنا موسى وهارون كان اخت اسمها مريم. ده الكلام ده ما بنعرفوش غير من مطالعة الكتب المقدسة المسيحية واليهودية - 00:58:52

لكن الاية يا اخت هارون معناها حاجة من الاثنين. يا اما فعلا كان عندها اخ اسمه هارون وما لوش علاقة بهارون وموسى. يا اما الموضوع له علاقة بيا اخت هارون في التعبد - 00:59:12

في الورع وفي الزهد وان المقصود اية انت اخت هارون اخو موسى. لان انت اتبعت نفس المسلك وانت اصلا من بنات يعني تعتبر من نسل هارون اصلا. ببقى الاية ما فيهاش مشكلة. اخته لانها قامت مقامه. في خدمة الهيكل - 00:59:28

في انها كانت منزرة لله ومقدسة لله والكلام ده كله. وكذلك كان هارون. وهي اخته لانها من بنات لاوي وسيدنا هارون ايضا من ابناء

لاوي يبقى هم اخوات في النسب لكن مع فرق الاجيال يعني - 00:59:52

فيبيقى ما فيش شبهة ولا حاجة في بداية الاسحار خمستاشر ترنيمة موسى ومريم بيقول ايه؟ في العدد رقم اتنين. الرب قوتي ونشيدي وقد صار خلاصي وقد صار خلاصه الالفاظ والمصطلحات المستخدمة في العهد القديم - 01:00:10

تم اعادة استخدامها في المسيحية لكن بمعاني مختلفة. وبعدين يحاولوا يستنبطوا معانيهم الجديدة من ان العهد القديم وده غير صحيح غير صحيح لأن الخلاص في المفهوم المسيحي يعني الخلاص من خطية adam والخلاص من الموت الابدي ودخول الجنة. لكن الخلاص - 01:00:33

العهد القديم معناه ان ربنا يخلص شعبه من اعدائه. هو ده المعنى. فلما هربوا من مصر وهربوا من فرعون ده حصل خلاص ربنا خلصهم. يبقى حصل خلاص والرب هو المخلص - 01:00:57

طب هل الرب بس هو اللي بيقال عنه مخلص؟ لا اي حد انجدبني اسرائيل بطريقة او باخرى. فيشوع ان نون مخلص وهارون مخلص وموسى مخلص. عليهم عليهم افضل الصلاة والسلام - 01:01:18
برضه مسألة الفادي وان الرب فداتهم وهنا سترراجع بعض النصوص اللي فيها معنى ان فداتهم بنفس معنى خلصهم واني ليس بالضرورة يكون في مقابل علشان تحصل فدية ده بحسب المصطلح الكتابي في العهد القديم. يعني ايه؟ يعني لو قلت ان واحد خطف حدده والعياز بالله - 01:01:33

وطلب فدية. يعني ايه؟ يعني ابزل شيء مقابل انه يتحرر طب ايه اللي ربنا بذلك مقابل انه فدىبني اسرائيل من ارض مصر ونصوص بتقول الكلام ده في العهد القديم؟ ما فيش يبقى فداتهم مع - 01:02:02
ايده؟ معناهم خرجهم من ارض مصر مع انهم خلصهم من اعدائهم وهكذا. فربنا هو الفادي طيب يعني معنى كده ان هو الفادي لوحده فلو المسيح انتقال عنه انه الفادي يبقى هو الله لا - 01:02:18

لان فيه نصوص اخرى في العهد القديم بتقول ان الانبياء مخلصين وافتدوا شعبهم وخلصوهم وهكذا. يبقى الموضوع ما لوش علاقة اصلا بالمفهوم المسيحي الحديث للمخلص والخلاص والفادي والفدية والكلام ده كله - 01:02:35

طيب هنا نص آآ ممكن يكون اساعة لله وممكن يستخدم للرد على بعض الشبهات. في الاسحاق خمستاشر لعدد ثلاثة. الرب رجل الحرب الرب اسمه الرب رجل الحرب طبعاً كون ان في العهد القديم الرب يسمى او الله يسمى انه رجل حرب لانه بيحارب عنبني اسرائيل ويحررهم ويخلصهم من اعدائهم - 01:02:54

ويبيد اعدائهم والكلام ده كله. وبعدين فجأة في العهد الجديد يبقى الله المحبة هذا ادى الى ان في ناس وصلت بدماغها يبقى الكون ده له الهين. بدعة ماركيون ماركيون من اصل مجوس قال لك الله العهد القديم غير الله العهد الجديد ليه - 01:03:24
لان الله العهد القديم نار اكلة ورجل حرب وسفاك للدماء ومحب للدماء والكلام ده كله ده من نصوص العهد القديم. لكن العهد الجديد الله النعمة. الله الخلاص الله المحبة. الله السلام - 01:03:47

ازاي الله الخير والمحبة والسلام والكلام ده كله يبقى هو نفسه رجل الحرب النار الأكلة. يبقى الله العهد القديم غير الله العهد الجديد وقعوا في هذا لماذا بسبب الاساءات لله عز وجل في العهد القديم والاواعياف السيئة جداً المنسوبة لله عز وجل في العهد القديم - 01:04:05

طيب هنا في آآ في العدد رقم عشرين من الاسحاق خمستاشر فاخذت مريم النبيه اخت هارون الدف بيدها العبادة بالرقص والموسيقى ده منسوب للعهد القديم. وده محروم عندنا في الاسلام وهذا كذب على الانبياء او - 01:04:28
يا اما هذا كان من شريعة من قبلنا وهذا نسخ. لكن الاقرب الى انه هذا كذب على الانبياء مريم النبي ومسألة ان نساء نبات ده خلاف ما بين العلماء المسلمين. هل فيه نباتات - 01:04:53
قولا واحداً ما فيش رسولات او ما فيش رسول اثنى ده باتفاق وبحسب القرآن الكريم والسنة واجماعه كان ما فيش حد خالق في المسألة وقال ان ممكن يكون في رسول - 01:05:15

انشى لان المسلمين بيفرقوا ما بين النبي والرسول والرسول مقام اعلى من النبي. كل رسول نبي ولكن ليس كل نبي رسول والرسول بياطي بكتاب وشريعة والكلام ده كله. لكن النبي ما ما بيأنيش بكتاب وشريعة بيمشي على شريعة الرسول اللي قبله ويدعو الى التوحيد فقط وهكذا - 01:05:30

لكن في بعض المسلمين قالوا ان ممكن يكون فيه نبية ولو هنقول على حد انها نبية هتبقى مريم ام عيسى عليها السلام لكن الغالبية العظمى من علماء المسلمين ما بيقولوش ان مريم عليها السلامنبي - 01:05:52

وبيقولوا ان هزا قول خاطئ لكن اقصد ان في خلاف ممكن يكون في نبيات لكن ما فييش رسولات او رسول انشى هنا عنوان مياه مارا وايليم في العدد رقم واحد في العدد رقم ستة وعشرين من النصوص التي تبين اهمية الشريعة ووجوب الالتزام بها - 01:06:13 وفوائد الالتزام او البركات التي ستحل. والعقوبات التي تحل على من يتركها وهكذا. بيقول فقال ان كنت تسمع لصوت الرب الهك وتصنع الحق في عينيه وتصفع الى وصاياه وتحفظ جميع فرائضه فمثلاً ما مما وضعته على - 01:06:39

لا اضع عليك فاني انا رب شافيك وفي العدد رقم ستة وعشرين بيتكلم عن آآا الاثنى عشر عين اللي ربنا فجرهم لبني اسرائيل كل صبت خد عين من من هذه العين - 01:06:59

احنا هنكتفي بهذا القدر النهاردة وسنقف عند الاصحاح ستاشر عند عنوان المن والسلوى وباذن الله عز وجل سنكمي سفر خروج في فيديو اخر عشان الفيديو ده ما يكونش اطول من كده - 01:07:16

في نهاية هذا الفيديو اتمنى يتم مراجعة هذه النصوص وتفسيرها ويكون معك كتاب مقدس واتعلم على النصوص والكلام ده كله. وراجع بحث قبل ان يكون ابراهيم انا كائن وحاول تراجع النصوص اللي انا قلت عليها عبر عربي ما بين السطور والكلام ده كله علشان تستفيد من هذه النصوص. وتقدر تستخدموها - 01:07:31

فعلها في الحوار الاسلامي المسيحي في نهاية هذا الفيديو لو كان الفيديو عجبكم اتمنى تعاملوا له لايک وشير ومنتظر ارائك ومقترحاتكم واسئلتم في التعليقات ولو ما كنتوش اشتراكتم في القناة تعاملوا سبسكرايب - 01:07:51

كذلك كالعادة ما ننسوش ان انت تتابعوا قنواتنا الاخرى على اليوتيوب قناة البينة الدعوية قناة سؤالات للرد على الشبهات وقناة مكافحة الشبهات للرد على الشبهات الى ان نلتقي في فيديو اخر باذن الله عز وجل. استودعكم الله الذي لا تضيع ودائمه. والسلام عليكم ورحمة الله وبركاته - 01:08:06